



**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

xlvi [i.e. iv]. Non est tamen aggregatum ex natura importata in recto & dupli nagatione unionis actualis & aptitudinalis cum alio digniore connotatis in obliquo.

[urn:nbn:de:hbz:466:1-71607](https://nbn-resolving.de/urn:nbn:de:hbz:466:1-71607)

quod natura humana uniatur Verbo, desinat
existere per modum totius, & perit ejus to-
talitas. Nam exempla hæc ad rem non fa-
ciunt; quia ratio numeri ternarii & totius
integralis præter partes forte includit nega-
tionem ulterioris entitatis, quâ negatione
per additionem quartæ entitatis sublatâ, ad-
huc perit numerus ternarius per ablationem
alicujus sui constitutivi, & sic incidunt ad-
versarii in sententiam Scotistarum. Præterea
non licet mihi dicere, ne quidem in sensu i-
dentico: *humanitas est homo*; sicut dicere
possum: *Deitas est Deus*, quod signum est,
personam humanam à natura humana plus
distingui, quām divinam à Natura divina.

IV. Non est subsistentia creata aggrega-
tum aliquod ex natura importata in recto, &
duplici negatione importata in obliquo,
quarum una est negatio unionis actualis cum
aliquo, cum quo constituat aliquod perse-
stius, quām erat ipsa sola (quod additur
propter Verbum; hoc enim alias careret
subsistentiâ, quia actu unitur) altera est ne-
gatio unionis aptitudinalis (per quam u-
nionem non intelligitur ea, secundūm quam
res capacitatem habet, ut supernaturaliter
unia-

uniatur alteri, sed secundum quam de se inclinationem habet, ut uniatur alteri) ita ut illa natura censeatur carere propriâ subsistentiâ, quæ vel actu unitur alteri, cum quo constituit perfectius, quam ipsa sola erat, ut contingit Humanitati unitæ Verbo ; vel inclinationem habet, ut uniatur alteri, ut contingit animæ separatae, & materiæ existenti sine omni forma : illa è contra habeat subsistentiam propriam, quæ nec unitur actu alteri digniori, nec apta est cum inclinatione uniti alteri. Si enim vera est hæc doctrina, imprimis tam seria tamqùe bene ponderata definitio Ecclesiæ definientis contra Nestorium, Humanitatem Christi unitam Verbo carere subsistentiâ humanâ, erit otiosa & ridicula utpote cuius sensus erit : *Humanitas unita Verbo non retinet negationem unionis cum verbo* ; quod ex ipsis terminis patebat. Item istorum verborum Concil. Ephes. Nequè enim adjectionem Personæ vel subsistentiæ SS. Trinitas suscepit ex incarnato uno de eadem Trinitate Dei Verbo : Sensus esset : *ex unione hypost.* SS. Trinitas non suscepit negationem istius unionis. Ad quæ ingeniosè quidem responderi posset: intendisse Ecclesiam subvertere ipsum

d

fun-

fundamentum hæreticorum censemus
Verbum inter & hunc hominem JESUM
non intercessisse unionem veram physicam,
sed moralem & affectivam peculiaris amici-
tia per peculiares dona gratiæ &c. cum qua
unione staret persona propria istius naturæ,
adeoque superioris definitionis sensum esse
hunc: *Natura humana ita est unita verbo, ut*
non retineat negationem unionis physicae, sive
quod idem est, ut amittat personam pro-
priam, sive est unita Verbo physica unione,
quaæ sola destruit personam propriam. Ve-
rum hoc est reddere definitiones Concilio-
rum valde obscuras & intellectu difficiles;
hunc enim ex iis sensum eruere nemo, nisi
valde eruditus, potuisset; ad hæc cur Con-
cilia peculiari Anathematismo stabilivere
hanc in Christo unionem esse physicam; &
alio, non esse in Christo personam huma-
nam? Secundò si subsistentia superaddat
naturæ tantum quid negativum, natura hu-
mana Christi jam habebit omnem perfectio-
nem creatam, quam habitura esset, si ex-
isteret non unita verbo, sive cum propria
subsistentia; quod enim hanc perfectio-
nem nunc non habeat, impedit unio hypo-
stati.

statica: sed ex negatione præcisè hujus unionis natura non potest acquirere majorem perfectionem, quam nunc habeat; cum per ablationem alicujus positivi nunquam natura magis perficiatur, nisi illud positivum, quod afferatur, sit positiva naturæ imperfectio (qualis v. g. esset ablatio cornu ex facie de cætero decora) unio vero hypostatica non est positiva naturæ humanæ imperfectio, sed summa perfectio. Tertiò nomine suppositi alieni, cui nec actu, nec exigitivè debet uniri natura subsistens, vel intelligitur quid positivum, & sic suppositum seu subsistenter aliena erit quid positivum, & consequenter etiam propria; hæc enim respectu alterius naturæ est aliena; vel intelligitur aliquid negativum, & sic ad naturam subsistentem subsistentiâ propriâ sufficit¹⁰¹², uniri negationi, adeoque omne ens erit subsistens, quia nullum ens est, aut esse potest unitum negationi. Neque dicas, sic esse intelligendum: ut natura subsistens nec actu, nec potentia (quæ est cum inclinatione) uniatur alteri naturæ habenti istas binas negationes. Nam juxta Adversarios impossibile est, ut natura subsistens uniatur

d 3

natu-

naturæ alienæ subsistenti ; continuò enim nec natura, quæ unitur, nec natura, cui unitur, erit subsistens, cùm amittat negationem actualis unionis cum alio ; & sic subsistitia jam dicit præterea tertiam negationem, nimirum unionis absolutè possibilis cum alio.

V. Sed est subsistentia aliquid positivum à natura distinctum, & radix, ex qua immediate memoratae sæpius negationes binæ, & quidem posterior, nempe unibilitatis, quæ cum inclinatione, necessariò, resultant, sicut ex unitate resultat negatio identitatis cum alio, ipsa verò unitas non est formaliter hæc negatio ; debet enim esse ratio, cur natura, non exigat, aut possit naturaliter uniri alteri, hæc alia non est, quām quòd natura antecedenter ad has negationes completa sit ultimo complemento positivo, quod ideo ex se emanat, veluti ejus causa materialis simul & efficiens, ut propriæ indigentia succurrat, & quā emanatione si impediatur, ex indigentia inclinatur ad unionem cum alio. Sic de mun bene intelligitur, quomodo Verbum assumperit naturam humanam, ejus subsistentiâ relictâ inassumptâ, quam etiam im-

plica-